

Evening Dogri (NSD) Bulletin 15-08-2025

आकाशवाणी

खबरां ----

1. प्रधानमंत्री नरेंद्र मोदी होरें 79में स्वतंत्रता दिवस पर आयोजित समारोह च राष्ट्र दा नेतृत्व कीता ते गलाया जे आपरेशन सिंदूर मुलखै दे सशस्त्र बलें दी दलेरी ते सटीकता दी तसदीक करदा ऐ।
2. विदेशें च भारतीय मिशन देशभक्ति दे जज्बे कन्नै स्वतंत्रता दिवस मना रदे ना।
3. भारत-सिंगापुर नै संयुक्त कार्यदल दी बैठक दरान सहयोग दे नमें खेत्तरें दा पता लाने बारै चर्चा होई।
4. भारत दा निर्यात जुलाई च 7 इशारिया 3 फीसद बढ़ियै 37 अशारिया 24 अरब डालर होई गेआ। आयात 8 अशारिया 6 फीसद बढ़ेया ऐ।
5. रूस-ट्रम्प कन्नै मुलाकात दरान अपना रौस साफ करना चाहंदा ऐ।



PM Modi Op Sindoor

राष्ट्र अज्ज अपना 79मां स्वतंत्रता दिवस मना करदा ऐ। प्रधानमंत्री नरेंद्र मोदी होरें दिल्ली दे प्रतिष्ठित लाल किले थमां स्वतंत्रता दिवस समारोह दी अगुवाई कीती ते राष्ट्री झंडा फहराया। राष्ट्र गी संबोधित करदे होई मोदी होरें आपरेशन सिंदूर दे बहादुर जोआनें गी सलामी दिंदे होई आखेआ जे एह आपरेशन देसा दी सशस्त्र बलें दी शौर्य ते सटीकता दा इक सशक्त सबूत ऐ। उनें आखेआ जे सशस्त्र बलें गी खुल्ली छूट दिती गेदी ऐ जेदे कन्नै उनें गी रणनीति बनाने, निशाना तय करने ते समें दा फैसला करने दी खुल्ल दिती गेई ऐ। प्रधानमंत्री होरें आखेआ जे देसा दे बहादुर जोआनें, दुश्मनें गी इक बनकदा जवाब दिता जेडा उंदी कल्पणा थमां परे ऐ। उनें इस गल्लै पर लो पाई जे भारती सशस्त्र सेना

नै पाकिस्तान च दुश्मनें दे इलाके च सैकड़ां किलोमीटर दूर हमला कीता ते आतंकवादिं हैडक्वार्टरिं गी मिट्टी च मलाई दित्ता। उनें आखेआ जे पहलगाम च आतंकवादिं आसेआ कीती गेदी हरकत थमां भारत गुस्से च ऐ ते आपरेशन सिंदूर एहदे परते च अपना गुस्सा जाहिर करदा ऐ। श्री मोदी होरें आखेआ जे भारत नै हून फैसलाक कीता ऐ जे खून ते पानी कन्नोकन्नी नेई बगगा। प्रधानमंत्री होरें जिक्र कीता जे देसा दे लोकें गी हून अहसास होई गेआ ऐ जे सिंधु जल संधि बेन्यायी ही। उनें गलाया जे भारत परमाणु ब्लैकमेल गी बर्दाश्त नेई करोग। प्रधानमंत्री मोदी होरें आखेआ जे भारत दुश्मनें दे कुसै बी जन्न गी नाकाम करने लेई इक सशक्त हथियार प्रणाली बनाने लेई मिश्र सुदर्शन चक्र शुरू करोग। प्रधानमंत्री होरें गलाया जे अगले 10एं बरें च 2035 तगर इस राष्ट्र सुरक्षा ढाल दा दायरा बदाया जाग ते इसी तगड़ा ते मते अज्जै-कल्लै दी तकनीक स्हाबै तैयार कीता जाग। प्रधानमंत्री होरें रक्षा, तकनीक, उर्जा, अंतरिक्ष ते निर्माण सरबन्धी भारत दी तरक्की दा हवाला दिंदे होई आत्मनिर्भर भारत गी विकसित भारत दी मुख् नींह च शामिल होने उप्पर जोर भरेआ। उनें आपरेशन सिंदूर दी सराहना कीती जेड़ी भारत दी रक्षा आत्मनिर्भरता दा प्रदर्शन ऐ। श्री मोदी होरें आखेआ जे ओह करसानें ते मच्छी फगड़ने आहलें दे हितें दी रक्षा लेई दीवार बनियै खडोंगन ते भारत उंदे हितें कन्नै कदें बी समझौता नेई करोग। प्रधानमंत्री होरें इस देयाली तगर अगली पीढी ते जीएसटी सुधारें गी लागू करने दी घोषणा कीती जेदा मकसद रोजमर्रा दे इस्तेमाल होने आहली चीजें उप्पर टैक्स घट्ट करना ऐ। मोदी होरें पिछले 100 बरें च राष्ट्र दी सेवा च आरएसएस दे स्वयंसेवकें दे समर्पण भाव गी नमन कीता।

<><><><><><>

J&K Independence Day

जम्मू-कश्मीर च 79मां स्वतंत्रता दिवस देशभक्ति दी भावना ते जोश कन्नै मनाया गेआ। मुख्मंत्री उमर अब्दुल्ला होरें श्रीनगर दे बख्शी स्टेडियम च राष्ट्री चंडा चाढेआ। इस मौके पर इक बड्डे कट्ट गी संबोधित करदे होई मुख्मंत्री होरें आखेआ जे सरकार दा मकसद प्रदेश च आर्थिक अर्थबवस्था गी मजबूत करना ऐ। उनें गलाया जे खितें दे आर्थिक विकास आस्तै उंदी सरकार नै सालाना बजट तैयार

कीते दा ऐ। उनें आखेआ जे बेरोजगार युवाएं गी रोजगार देने आस्तै मिशन युवा Scheme तैहत 4 लक्ख 5 ज्हार नौकरिएं दा प्रावधान रक्खेआ गेदा ऐ। उनें आखेआ जे विधायकें लेई हल्का विकास फंड 3 करोड़ रपे शा बदाइयै 4 करोड़ रपे करी दित्ता ऐ तां जे स्थानीय कल्याण ते बुनियादी ढांचे आहिलियें परियोजनाएं गी अगड़ा बदाया जाई सकै। श्री अब्दुल्ला होरें श्रीनगर दे बलिदान स्तम्भ च श्रद्धा-सुमन अर्पित कीते ते शहीदें दे उच्च बलिदान गी मान दित्ता।

<><><><><><>

India-Mission

भारत अपने 79में स्वतंत्रता दिवस गी चेत्ता करदे होई विदेशें च भारती मिशन इस ध्याड़े गी बड़े जोशे-खरोश ते देशभक्ति दी भावना कन्नै मना'रदा ऐ जेड़ा इस मौके दे सांझे मूल्यें-कदरें गी दर्शादा ऐं अमरीका दी भेठा विदेश सचिव मार्को रूबियो होरें भारत दे लोकें गी बधाई दित्ती ते हार्दिक शुभकामनां दित्तियां। उनें आखेआ जे भारत ते अमरीका रलियै कम्म करदे होई आधुनिक चुनौतिएं दे सामने खड़ोडन ते दौनें मुलखें लेई इक उज्जवल भविक्ख यकीनी बनांगन। उनें नमीं दिल्ली ते वाशिंगटन बश्कार ऐतिहासिक रिश्तें गी नतीजे ते दूरगामी करार दिंदे होई आखेआ जे सोशल मीडिया पोस्ट च भारत च अमरीकी दूतावास नै आजादी दिवस दी शुभकामनां दित्तियां। एहदे च आखेआ गेआ ऐ जे कुल संसारी शांति ते समृद्धि गी अगगे बदाने च स्हाड़ी सांझी उपलब्धिएं गी सम्मानित करदे होई इस महत्वपूर्ण मौकें गी मनाने च अमरीका-भारत कन्नै ऐ।

<><><><><><>

Export-Import Growth

भारत दे बपारिक निर्यात नै जुलाई म्हीने च मजबूत प्रदर्शन कीता जेड़ा सलाना आधार पर तकरीबन 7 अशारिया 3 प्रतिशत बधियै 37 अशारिया 2-4 बिलियन डालर होई गेआ। वाणिज्य ते उद्योग मंत्रालय दे आंकड़ें मूजब वस्तु निर्यात बाहे दे प्रमुख चालकें च इंजीनियरिंग समान रतन ते गैहनें बंदे इलेक्ट्रानिक्स, दोआइयां-औषधियां, जैविक ते रसैन बगैरा शामिल न।



Trump-Putin

रूस दे विदेश मंत्री सर्गेई लावरोव होरें आखेआ ऐ जे रूस अज्ज रातीं अलास्का दे एंकोरेज च रूस दे राष्ट्रपति व्लादिमीर पुतिन ते अमरीका दे राष्ट्रपति डोनाल्ड ट्रंप बश्कार होने आहली बैठक दौरान अपनी स्थिति स्पष्ट करोग। अलास्का पुज्जने पर इक्क टीवी चैनल कन्नै गल्ल करदे होई लावरोव होरें आखेआ जे उंदी पैहले थमां कोई योजना नेई ऐ पर बैठक च रूस अपने तर्क स्पष्टता कन्नै पेश करोग। उनें आखेआ जे ट्रंप दे विशेष दूत स्टीव विटकॉफ दी रूस जात्तरा दरान बैठक दी महत्वपूर्ण रूप-रेखा तैयार कीती गई ऐ। रूसी राष्ट्रपति दे सहयोगी यूरी उशाकोव नै आखेआ जे पुति ते ट्रंप बश्कार बैठक बस दौनें नेताएं ते उन्दे दुभाषियें बश्कार आमने-सामने दी बैठक कन्नै शुरू होग जेदे बाद दौनें पखें च 5-5 प्रतिनिधियें बश्कार वार्ता होग। उशाकोव होरें आखेआ जे वार्ता यूक्रेन संकट दे समाधान पर केंद्रित होग ते कन्नै गै शांति ते सुरक्षा सुनिश्चित करने दे व्यापक कार्यें ते वर्तमान च सब्बनें शा जरूरी अंतरराष्ट्रीय ते क्षेत्रीय मुद्दें पर भी विचार-विमर्श कीता जाग।



PM-HM Arbindo

प्रधानमंत्री नरेंद्र मोदी होरें अज्ज श्री औरबिंदो हुंदे जन्म ध्याडे पर उनेंगी श्रद्धांजलि भेंट कीती। सोशल मीडिया पोस्ट च प्रधानमंत्री होरें आखेआ जे औरबिंदो होरें देशभसिएं गी दस्सेआ जे दर्शन, अध्यात्म ते राष्ट्र निर्माण कुसै चाल्ली इक उच्चे मकसद दी सेवा च किट्टे होंदे ना। प्रधानमंत्री होरें आखेआ जे दार्शनिक दे विचार, नगारिकें गी इक नेय भारत लेई जत्त करने लेई प्रेरित करदे न जेडा अपनी पूरे समर्थ दा अहसास करांदा ऐ। केंद्री गृह मंत्री होरें बी औराबिंदो होरें गी उंदे बरेगंड दे मौके पर श्रद्धांजलि दित्ती। अपने इक सोशल मीडिया पोस्ट च श्री शाह होरें आखेआ जे आजादी दे संघर्ष च उंदी अटूट भावना ते आध्यात्म ते दर्शन च उंदा डूंगा योगदान औने आहलिएं पीढियें तगर राष्ट्र गी प्रेरित करदा रौग।



Omar Statehood

मुख्यमंत्री उमर अब्दुल्ला हों अज्ज घोषणा कीती जे ओहू जम्मू-कश्मीर गी राज्य दा दर्जा बहाल करने लेई इक व्यापक दस्तखत मुहिम शुरू करंगन ते फी इनें दस्तखतें गी उच्चतम अदालतै अगगे पेश करंगन। अज्ज बख्शी स्टेडियम च आजादी आले ध्याड़े दित्ते जाने आहले अपने संबोधन च मुख्यमंत्री हों आखेआ जे उच्चतम अदालतै सरकार गी परता देने लेई 8एं हफ्तें दा समां दित्ते दा ऐ। अज्जै थमां अस इनें 8एं हफ्तें तगर सब्भनें 90 असेंबली हल्के च घर-घर जाइयै राज्य दा दर्जा बहाल कराने आस्तै दस्तखत मुहिम चलागे, जेकर लोक इस दस्तावेज पर दस्तखत नेई करंगन तां उनें आखेआ जे ओहू अपनी थाहर हार मन्त्री लैडन।

<><><><><><>

India-Singapore

भारत ते सिंगापुर नै कल नमी दिल्ली च बपार ते निवेश पर अपने संयुक्त कार्य समूह दी चौथी बैठक आयोजित कीती। बैठक दी सह-अध्यक्षता भारत दे वाणिज्य विभाग दे विशेष सचिव राजेश अग्रवाल ते सिंगापुर दे बपार ते उद्योग मंत्रालय दे स्थायी सचिव डॉ. बेह स्वान जिन नै कीती। बैठक च बपार ते निवेश सरबंधें गी मज़बूत करने, रसद ते आपूर्ति च सुधार, नियमें गी सौक्खा बनाने ते सीमा पार बपार गी बढ़ावा देने पर चर्चा होई। दौनें देशें सेमीकंडक्टर उद्योग ते डिजिटल बपार च चला'रदे सहयोग दे कन्नै-कन्नै कौशल विकास ते क्षमता निर्माण ज्नेय क्षेत्रें दी खोज पर बी चर्चा कीती। इस बैठक च इस गल्ला पर सहमति बनी जे इनें विचारें गी वास्तविकता च बदलने आस्तै होर मतियां लगातार वार्ता होनी लोडचदियां। इस बरे भारत ते सिंगापुर बश्कार राजनयिक सरबंधें दे 60 बरे पूरे होआ'दे न। कन्नै गै भारत ते सिंगापुर बश्कार बपार आर्थिक सहयोग समझौते पर हस्ताखर होए दे बी 20 बरे पूरे होआ'रदे न।

<><><><><><>

Read by: Vikas Sharma

Composed by : Varinder Sharma

Editor : Manoj Kumar